


宋槧太平御覽





疇又有火賤茫昌盛恐他茫鮮茫施皆其類也樓居無城  
 郭或漆齒衣青布衫膝篾纏腰紅繒布纏膝出其餘垂後  
 爲飾婦人披五色婆羅籠孔雀巢人家樹上象如水牛俗  
 養以耕田  
 棠麗蠻  
 南夷志曰棠麗蠻去安南林西原十二程俗養牛馬長與  
 漢人博易大中八年經略使苛暴人將鹽一斗博牛或馬  
 一疋因茲隔絕不來

太平御覽卷第七百八十九

太平御覽卷第七百九十一  
四夷部十一

南蠻六

- |     |     |                      |
|-----|-----|----------------------|
| 結臂國 | 羽民國 | 謹兜國                  |
| 厭火國 | 三苗國 | 載國 <small>載徒</small> |
| 交脛國 | 不死國 | 支舌國                  |
| 三首國 | 焦僂國 | 長臂國                  |
| 三身國 | 一臂國 | 奇肱國                  |
| 丈夫國 | 巫咸國 | 女子國                  |
| 軒轅國 | 白民國 | 長股國                  |
| 無脊國 | 一目國 | 和利國                  |
| 深目國 | 無腸國 | 聶耳國                  |
| 跂踵國 | 大人國 | 君子國                  |



青丘國

黑齒國

支股國

毛民國

勞民國

氏人國

姑射國

蛟國

沃國

反風國

林那國

無論國

句稚國

歌營國

加陳國

師漢國

扈利國

姑奴國

察牢國

類人

雕題國

狼臙國

翁人

黃頭人

僭耳國

穿胷國

西屠國

金隣國

波遼國

屈都乾國

波延州

究原國

奴後國

炎人國

黃孫

落頭民

鮫人

松外諸蠻

結胷國

山海經曰結胷國其人結匈郭璞曰曰臙前跌出如人結喉也

羽民國

山海經曰羽民國其人長頭身生羽一日其人長頰

外國圖曰羽民羽飛不能遠其人殉產去九疑四萬里

謹兜國

山海經曰謹兜國其人人面有翼鳥喙謹兜堯臣有罪自放南海而死帝矜

之使其子居一日謹朱國

神異經曰南方荒中有入人手鳥足杖翼而行但食海中

魚雖有翼不足以飛一名謹兜為人很惡姦疎不畏風雨

不思禽獸有所觸犯死乃休耳

厭火國

山海經曰厭火國其人獸身黑色火出其口中似彌猴黑色也



書曰堯竄三苗于三危。○山海經曰三苗國在赤水東。神異經曰西北荒中有人焉皆人形而腋下翼不能飛。名曰苗民為人饜饗淫逸無禮。外國圖曰昔唐以天下授虞有苗之君非之苗之民浮黑水入南海是為三苗氏去九疑三萬三千里。

載國

山海經曰載國其操弓射蛇。大荒經曰此國自一日盛國然有五穀衣服。括地圖曰禹誅防風氏夏德二龍降之禹使范氏御之以行經南方防風神見禹怒使射之有迅雨二龍升去臣懼以刃自貫其心死禹哀之療以不死草皆生是名穿曾氏去會稽萬五千里。

交脛國

山海經曰交脛國在貫胸東其人交脛。言脚脛曲戾相交所謂雕題交趾者。外國圖曰交脛民長四尺。

不死國

山海經曰不死國在交脛東其人黑色壽考。有食丘山不死有赤泉飲之不老。

支舌國

山海經曰支舌國在不死東。其人舌皆岐故云支舌也。

三首國

山海經曰三首國一身三首。

焦僥國

後漢書曰安帝永初中永昌徼外焦僥種夷陸類等三千餘口舉種內附獻象牙犛牛其人長三尺穴居善游鳥獸懼焉。



列子曰中州以東三十萬里得焦僂國人長一尺五寸  
山海經曰周饒國為人短小冠帶其人長三尺穴居一日  
焦僂國在三首東

家語曰吳之客問孔子曰人之長極幾何對曰焦僂民長  
三尺短之極也長者不過十之數之極也長者十短者三  
皆數之極也  
外國圖曰焦僂民善沒游善捕鷺鳥其草木夏死而冬生  
去九疑三萬里

又曰從啖水南曰焦僂其人長尺六寸一日迎風則偃背  
風則伏不衣而野宿

長臂國

山海經曰長臂國人長一尺五捕魚水中兩手各操一魚  
或云其人手下垂至地海東有人嘗在海中得布  
帽褶衣如中國衣西兩袖長三丈卽此長臂民衣  
三身國

山海經曰三身國一首而三身

一臂國

山海經曰一臂國在三身北一臂一月一鼻孔

奇肱國

山海經曰奇肱國其人一臂

丈夫國

括地圖曰殷帝大戊使巫孟採藥於西王母至此絕糧食  
木實衣木皮終身無妻而生二子從背開出是爲丈夫民  
去玉門二萬里

巫咸國

山海經曰巫咸國在女刃北右手操青蛇左手操赤蛇在  
登葆山群巫所從上下也採藥  
往來  
外國圖曰昔殷帝大戊使巫咸禱於山河巫咸居於此是



為巫咸民去南海萬千里

女子國

山海經曰女子國在巫咸北兩女子居水外周之有黃池入

洛出即懷孕矣生男三歲輒死周猶遠也

軒轅國

山海經曰軒轅國在窮山之際其不言壽者八百歲其國

南邊也大經曰在女子北人面蛇身尾交首上不敢西

畏軒轅之丘言不敢向西射也

白民國

山海經曰白民之國在龍魚北白身被髮其人體

又曰白民之國帝俊生帝鴻帝鴻生白民

博物志曰日南有野女群行不見夫其體晶明了白裸袒

無衣

長股國

山海經曰長股之國在雄常北被髮國在赤水東長臂人

類推之見此脚過三丈矣黃帝時至或曰長脚人常負長臂入海中捕魚

無脊國

山海經曰海水自東北陬至無脊國在長股東為人無脊

脊肥腸也其人穴居食土無男女死即埋之其心不朽死百三十歲乃復更生也

一目國

山海經曰一目國一目中其面也

和利國

山海經曰和利國在一目東為人一手足反膝曲起居上

反卷也一日留利之國人手反折

深目國

山海經曰深目國為人舉一手一目



山海經曰無腸之國在深目東為人長而無腸

山海經曰聶耳國在無腸國東為大兩手聶其耳行則以

手持之縣居海水中山縣居也

山海經曰跂踵國在拘纓東其人兩足皆大

其人行脚跟不着地也

一日踵國大人國

大人國北至無名之國東為大人國

山海經曰大人國為人獸身人面犬耳珥兩青蛇

以蛇貫耳也

君子國君子國其人冠衣帶劍

其人不爭也

青丘國青丘國

山海經曰青丘國其人食五穀衣絲帛其狐九尾

黑齒國黑齒國東夷傳曰倭國東四千餘里有裸國東

有黑齒國航行一年始可至也異物志

云西屠涿齒亦以放此也

玄股國玄股國其人衣魚

以魚皮為衣食鷓鴣水

鳥也

毛民國毛民國人身生毛

今去臨海郡東二千餘里

人短小面無毛如猪熊穴居無衣服晉永嘉四年吳都

郡司鹽都尉戴逵云在海邊得一船上有一男女四人狀皆

如此言語不通送詣丞相府未至道路死有一人在此賜

婦生人女子出入市井漸曉人語自認其所在此毛民

神異經曰八荒之中有毛人焉長七尺八尺皆人形身軀頭

上皆毛毛如狝猴毛長尺人則臭功賜曰開口吐舌上唇



覆面下唇覈旬臨海水八人腹是魚目聞以也舌上尋  
土物志曰毛人之洲乃在漲嶼身無衣服繫地穴處雖云  
象人不知言語齊長五尺毛如熊豕眾輩相隨逐捕鳥鼠  
无五穀唯捕鳥鼠  
魚肉以為糧耳  
山海經曰勞民國人長五尺  
山海經曰勞民國為人黑  
食菓草實也  
或曰其民面目手  
手足盡黑  
有一鳥兩頭

山海經曰氏人國  
氏音觸  
抵之抵  
在建水西人面而魚身無足  
自  
以上八以  
下魚也

姑射國  
山海經曰姑射國在海中  
青城國  
其人食五穀交絲出其羽衣

山海經曰有蛟山者有城民之國食桑射蛟是食也似蟹  
含沙射人中則病  
死此山出之也

沃國  
言其土饒沃也  
沃民是處鳳凰鳥之郊是食  
甘露是飲故其欲其味皆存也

反風國  
道書曰反風之國香逆風聞千里也

林那國  
竺芝扶南記曰林那國蠻其延國未多日黎與毗騫同大  
洲族二萬里法俗是同對南陸海

南州異物志曰無論國有大道左右種桃枇杷及諸花果  
白日行其下陰涼蔽熱十餘里其亭皆有井水食麥飯飲



蒲桃酒如膠若欲飲以水和之其味甘美共水合麥酒  
南州異物志曰句稚國在大海去南越海峽五百里  
南州異物志曰句稚去典遊八百里有江口西南向東北  
行極大崎頭出漲海中淺而多磁石

南州異物志曰歌營國在句稚南可一月行到其南文灣

中有洲名蒲類上有居人皆黑如漆齒正白眼赤男女皆

裸形康泰扶南土俗文載西去常望海  
遇則遮短將雜猪山菓易鐵器

加陳國

南州異物志曰加陳在歌營西南

師漢國

南州異物志曰師漢國在句稚西從稚去行可十四五日  
乃到其國亦稱王上有神人及明月珠但仁善不忍殺生

土地平博民有萬餘家

扈利國

南州異物志曰扈利國在奴調洲西南邊海

姑奴國

南州異物志曰姑奴去歌營可八千里民八萬餘戶皆乘  
四轆車駕二馬或四馬四會所集也船舶常有百餘艘市  
會萬餘人晝夜作市船皆鳴鼓吹角人民衣被中國

察牢國

南州異物志曰察牢在安息中間大國也去天竺五千里  
人民勇健舉國人皆稱王種國無常王國人常選耆老有  
德者立為王三歲一更舉土地所與天竺同慕其土地不  
出國遠行

類人







異物志曰西屠國在海水以草漆齒用白作黑一深則歷年不復變一號黑齒

交州以南外國傳曰有銅柱表為漢之南極界左右十餘小國悉屬西屠有夷民所在二千餘家

異物志曰金隣一名金陳去扶南可世千餘里地出銀人民多好獵大象生得乘騎死則取其牙齒

外國傳曰從扶南西去金陳二千餘里到金陳  
外國傳曰從西屠南去百餘里到波遼北餘國皆在海邊

屈都乾國

外國傳曰從波遼國南去乘國可三千里到屈都乾國土地有人民可二千餘家皆曰朱吾縣民叛居其中

波延州

外國傳曰從屈都乾國東去舡行可千餘里到波延洲有民人二百餘家專採金賣與屈都乾國

究原國

外國傳曰究原有獠民出錫鐵雞舌香及赤白五色鸚鵡鳥究原達永昌一歲

奴後國

外國傳曰從林陽西去二千里奴後國可二萬餘戶與永昌接界

博物志曰楚之南炎人之國其親戚死刳肉死棄之然後埋其骨乃成孝子

黃孫



博物志曰黃孫天毒君之孫也名貴負躁而好自飲汁父母笑之愧而去居此黃孫國去九疑二萬一千里

博物志曰南方有落頭民其頭能飛其種人常有所祭號曰蟲落故因取名焉以其頭飛因眠便去以耳爲翼將曉還復着體吳時往往得之

### 鮫人

博物志曰南海水有鮫人水居如魚不廢織績其眼能泣出珠

### 松外諸蠻

唐書曰松外諸蠻貞觀末爲寇遣兵從西洱河討之其西洱河從嶺州西千五百里其地有數十百部落大者五六百戶小者二三百戶無大君長有數十姓以楊李趙董爲

名家各擅山川不相役屬自云其先木漢人有城郭村邑弓矢鋌言語雖小訛舛大略與中夏同有文字頗解陰陽歷數自伎郎滇池以西皆云莊廬之餘種也其土有稻麥粟豆種穫亦與中夏同而以十二月爲歲首菜則葱韭菘菁菓則桃梅李柰有絲麻女工蠶織之事出純綃絲線布廣七寸以下早蠶以正月生二月熟畜有馬牛猪羊雞犬飯用竹箬搏之而取羹用象杯若鷄彝有船無車男女羶皮爲帔女子絕布爲裙外仍披羶皮之帔頭髻一盤而成形如髻阻瓜男女皆跣至於死喪哭泣棺槨襲斂無不畢備三年之內穿地爲坎殯於舍側上作小屋三年之外出而葬之蠶封畔棺令其耐濕父母死皆斬衰布衣遠者至四五年近者三二年然後即吉其被人殺者喪主以麻結髮而黑其面衣裳不緝唯服內不廢婚妻不避同姓其俗







又曰西南夷有大湖名曰禁水水中有毒氣中有物噴噴作聲射中木石則破裂中人則死其俗名曰鬼彈聞聲已至不可得見故也

郭義恭廣志曰建寧郡其氣平冬不極寒夏不極暑盛夏如此五月盛冬如此九月天下之異地海內唯有此按月令記五氣中之位宜在西南如此豈當土行之方戊己之域乎

夜郎

漢書曰南夷君長以十數夜郎最大漢武帝建元六年太  
行王恢擊東粵因兵威使番禺令唐蒙風曉南粵南粵食  
蒙蜀枸醬枸音矩蒙問所從來曰道西北牂牁江江廣數里  
出番禺城下蒙歸至長安問蜀賈人獨蜀出枸醬多持竊  
出市夜郎夜郎者臨牂牁江江廣百餘步足以行船南粵

以財物役屬夜郎西至桐師然亦不能臣使也蒙迺上書  
曰竊聞夜郎所有精兵可得十萬浮船牂牁出不意此制  
粵一奇也誠以漢之強巴蜀之饒通夜郎道為置吏甚易  
上許之乃拜蒙中郎將將千人從巴徠關入遂見夜郎侯  
多同侯多同侯厚賜諭以威德約為置吏使其子為令夜郎  
旁小邑皆貪漢繒帛以為漢道險終不能有也乃且聽蒙  
約還報乃以為犍為郡發巴蜀卒治道自犍道詣牂牁江  
蜀人司馬相如亦言西夷邛笮可置郡使相如以中郎將  
往諭皆如南夷為置一都尉十餘縣屬蜀後數歲道不通  
士罷餓餒離者甚眾西南夷又數反發兵興擊耗  
費亡功自患之使公孫弘往視問焉還報言其不便上許  
之罷西夷獨置南夷兩縣一都尉稍令犍為自保就令守  
且脩成其夜郎侯始倚南粵南粵已滅還誅反者夜郎遂



入朝也以為夜郎王南夷又曰昭帝始元中牂柯談指牂等二十四邑凡三萬餘人皆反並音伴談指同並後遣水衡郡都尉發蜀郡犍為兵擊破之後姑繒葉榆人復以鈞町侯亡波率其人擊之有功漢立亡波為鈞町王至成帝河平中夜郎王興與鈞町王禹漏臥侯俞漏臥夷邑名後更舉兵相攻牂柯太守請發兵誅興等議者以道遠不可擊遣太中大夫張巨持節和解並不從杜欽說王鳳曰張巨和解蠻夷王侯王侯不從不憚國威其効可規恐議者選更復守和解選更怯意也選音息充太守察動靜有變廼以聞如此則復曠一時曠空也一時三月言空王侯得收獵其家申固其謀黨助衆多各不勝忿必相殄滅自知罪成在勃守尉言起在勃守遠藏溫暑毒草之地雖有孫吳將賁育士若入水火

必焦沒智勇俱亡所設施屯田守之費不可勝量宜因其罪惡未成未疑漢加誅陰勃旁郡守尉練士馬大司農先調穀積要害處調發也要害者在選任職太守往以秋涼時人誅其王侯尤不軌者即以為不毛之地止用之人聖王不以勞中國即猶若也不毛宜罷郡放棄其民絕其王侯勿復通如以先帝所立累代之功不可隳壞亦宜因其萌芽早斷絕之及已成形後師興則萬姓被害矣鳳於是薦陳立為牂柯太守立至牂柯遇從吏數十人出行無何召興將數千人出往立數責因斷興頭出曉其衆皆釋兵降也釋解興子耶務收餘兵迫脇旁二十邑反立又擊平之擊平之後漢書曰夜郎者初有女子浣於遯水有三節大竹流入足間聞其中有號聲剖竹視之得一男子歸而養之及長



有才武自立為夜郎侯以竹為姓武帝平南夷夜郎侯迎  
降天子賜其王印綬後遂殺之夷獠咸以竹至非血氣所  
生甚重之求為立後牂柯太守吳霸以聞天子乃封其三  
子為侯死配食其父今夜郎縣有竹王神是也

滇

滇地十八川並立蠻夷四鄰與越出鄰其眾

漢書曰南夷君長其西靡莫之屬以十數滇地最大皆椎  
髻耕田有邑聚楚威王時使將軍莊躡將兵循江上略巴  
黔中以西莊躡至滇池地方三百里旁平地肥饒數千里  
以兵威定屬楚欲歸報會秦擊奪楚巴黔中郡道塞不通  
因迺以其眾王滇變服從其俗以長之秦時嘗破略通五  
尺道漢元狩中天子乃令王然于柏始昌呂越人等十餘  
輩開出西南夷指求身毒國至滇滇王當羌乃留為求道  
師古曰當羌滇王名四歲餘皆閉昆明莫能通滇王與漢使言孰與

我大及夜郎侯亦然各自以一州王不知漢廣大使者還

因盛言滇大國足事親附師古曰可專事招來之令其親附也天子注意焉

及南粵已滅乃使王然于以兵威風諭滇王入朝滇王有

眾數萬人其旁東北勞深靡莫皆同姓相杖未肯聽杖猶倚也

相依倚為援而不聽滇王入朝也勞莫數侵犯使者吏卒元封二年天子

發巴蜀兵擊滅勞深靡莫以兵臨滇滇王始首善以故弗

誅滇王離西夷舉國降請置吏入朝於是以為益州郡賜

滇王印復長其民西南夷君長以百數獨夜郎滇受王印

滇小邑也最寵焉

後漢書曰滇郡有池周回二百餘里水源深而未更淺狹

有似倒流故謂之滇池河土平敞多出鸚鵡孔雀有鹽池

田漁之饒金銀畜產之富人俗豪俠居官者皆富及累代

及王莽政亂益州羣夷棟蠶若豆等起兵殺郡守越雋姑



復夷人大牟亦皆叛莽遣寧始將軍廉丹發巴蜀吏人卒徒十萬擊之連年不尅而還以廣漢文齊為太守羣夷始得其和及公孫述據益土齊固守拒險聞光武即位乃開道遣使自聞蜀中徵為鎮遠將軍封成義侯於道卒詔為起祠堂郡人立廟祠之

又曰建武十八年夷渠帥棟蠶與姑復拊棟揆榆連然滇池建伶昆明諸種反叛遣武威將軍劉尚發卒擊之尚軍渡瀘水入益州界群夷皆奔壘奔走向進軍連戰皆破之追至不韋孫盛蜀譜曰初秦徙呂不韋子弟宗族於蜀漢武開西南夷置郡尉徙呂氏以荒之因置不韋縣斬獲其眾諸夷悉平

又章帝元和中蜀郡王阜為太守政化尤異有神馬四疋出滇池中

蜀志曰後主建興二年諸葛亮率眾南征所戰皆捷孟獲

者為夷所服募生致之既得使觀於營陣之閒問曰此軍何如獲曰不知虛實故敗定易勝耳亮縱之使更戰七擒而亮猶遣獲獲止不去曰公天威也南人不復反矣遂至滇池南中皆平

漢書曰自滇以北君長以十數印印都最大皆椎髻耕田有邑聚

後漢書曰印都夷者武帝開以為印都縣無幾而地陷為汗澤因名為印池南人以為印河其後復反叛元鼎六年漢兵自越嶲水伐平之以為越嶲郡其郡土地平原有稻田俗多遊蕩而喜謳歌略與牂牁相類豪帥放縱難得制御王莽時郡守枚根枚根太守姓名也調印人長貴以為軍侯更始二年長貴攻殺根自立為印穀王至光武因就封之授



越嵩太守印綬後劉尚擊益州夷路由越嵩長貴聞之疑尚既定南邊威法必行已不得自放縱即聚兵招呼諸君長多釀毒酒欲先以勞軍因襲擊尚尚知其謀即分兵先據邛都遂掩長貴誅之徙其家屬於成都

又曰安帝時永昌益州蜀郡夷並今雲南郡也皆叛衆十餘萬破壞二十餘縣益州刺史張喬乃遣從事楊竦將兵至牂榆破之渠帥三十六種皆來降附竦因奏長吏姦猾侵犯蠻夷者九十人皆滅死論

又曰永平中邛都太守巴郡張翁政化清平得夷人和在郡十七年卒夷人愛慕如喪父母蘇祁縣名更二百餘人齋牛羊送喪至翁本縣起墳祭祀詔書嘉美爲立祠堂後夷人反亂天子以翁有遺愛乃拜其子湍爲太守夷人歡喜皆奉迎道路日郎君儀貌類我府君後湍頗失其心有欲叛

者諸夷耆老相曉語曰當爲先府君故遂得以安

南中八郡志曰邛河縱廣二十里深百餘丈多大魚長一二丈頭特大遙視如載鐵釜狀

李膺益州記曰邛都縣下有一老姥家貧孤獨每食輒有小蛇頭上戴角在床間姥憐飮之後稍長大遂長丈餘令有駿馬蛇遂吸殺之令因大忿恨令姥責出蛇姥云在床下令即掘地愈大而無所見令遷怒殺姥蛇乃感人以靈言嗔令何殺我母當爲母報讎此後每夜輒聞若風四十許日百姓相見咸驚語汝頭船忽戴魚是夜方四十里與城一時俱陷爲湖土人謂之爲陷河唯姥宅無恙訖今猶存漁人採捕必依止宿每有浪輒居宅側恬靜無他風靜水清猶見城郭樓櫓晏然晏音側今水淺時土人没水取得舊木堅貞光黑如漆好事者以爲枕相贈焉



秬

漢書曰自嵩以東北君長以十數秬都最大其俗或土著或移徙

後漢書曰秬都夷者武帝所開以為秬都縣其人被髮左衽言語多好譬類居處略與汶山夷同土出長年神藥仙人山圖所居焉元鼎六年以為沈黎郡至天漢四年并蜀為西部置兩都尉一居旄牛主徼外夷一居青衣主漢人也

嵩

漢書曰桐師以東北至葉榆名為嵩昆明編髮隨畜遷徙無常處無君長地方可數千里

永昌郡傳曰越嵩都在建寧西北千七百里治江都縣自建寧高山相連至川中平地東西南北八千餘里郡特好

桑蠶宜黍稷麻稻梁

冉駝

漢書曰自在以東北君長以十數冉駝最大其俗或著土或移徙

後漢書曰冉駝夷者武帝所開元鼎六年以為汶山郡

今蜀郡西北通化郡地也至宣帝地節二年夷人以立郡賦重帝乃省并

蜀郡為北部都尉其山有六夷七羌九氐各有部落其王

侯頗知文書而法俗嚴重貴婦人黨母族死則燒其尸土

氣多寒雖在盛夏冰猶未釋皆依山居止累石為室高者

至十餘丈為卬籠今彼土夷人呼為離又土地剛鹵不生穀粟麻菽

唯以麥為資而宜畜牧有旄牛無角一名犝牛肉重千斤

毛可為毼犝徒冬切出名馬有羴羊羴音靈可療毒又有食

藥鹿鹿麕有胎者其腸中糞亦療毒疾又有五角羊麝香



輕毛毚鷄猩猩其人能作旄氊斑罽青頓髦毚羊綬之屬  
青頓毚綬並未詳字書無二字特多雜藥地有鹹土煮以為鹽麇羊牛馬  
食之皆肥齊音子其西又有三河槃于虜北有黃石北地  
盧水胡其表乃為徼外後靈帝時復分蜀郡北為汶山郡

漢書曰蜀之西并馳以東北君長以十數白馬最大皆氏類也

後漢書曰白馬氏者武帝元鼎中分開廣漢西部合以為  
武都土地險阻有麻田出名馬牛羊漆蜜氏人勇戇抵冒  
貪貨死利居於河池一名仇池方百頃四面斗絕數為邊  
寇郡縣討之則依固自守元封三年氏人反叛遣兵破之  
昭帝元鳳中氏人復叛執金吾馬適建姓馬適名建等將三輔  
太常徒討破之建武初氏人悉附隴蜀反隗囂滅其酋豪

乃背公孫述降漢馬援上復其王侯君長賜以印綬後囂  
族人隗茂反殺武都太守氏人大豪齊鍾留為種類所敬  
信威服諸豪與郡丞孔奮擊茂破斬之

白狼夷

後漢書曰永平中益州刺史梁國朱輔好立功名慷慨有  
大略在州數歲宣示漢德威懷遠夷自汶山以西前代所  
不至正朔所不加白狼槃木唐菽等百餘國戶百三十餘  
萬口六百萬以上舉種奉貢稱為臣僕輔上疏曰臣聞詩  
云彼徂者岐有夷之行傳曰岐道雖僻而人不遠詩人誦  
詠以為符驗今白狼王唐菽等慕化歸義作詩三章路經  
邛來山太零高坂峭危峻險百倍岐道緜負老幼若歸慈  
母遠夷之誦辭意難正草木異種鳥獸殊類有犍為郡掾  
田恭與之習狎頗曉其言臣輒令訊其風俗譯其辭語今



遣從事史李陵與恭護送詣闕并上其樂詩皆在聖帝舞  
 四夷之樂今之所上庶備其一帝嘉之事下史官錄其歌  
 焉東觀記載其歌并載夷人之本語並重譯訓語為華言今范史所載者是也至和帝永元十  
 二年旄牛徼外白狼樓薄蠻夷王唐繒等遂率種人十七  
 萬口內屬漢書曰和帝永元九年禪國在雍由調遣使重譯奉國  
 後漢書曰和帝永元九年禪國在雍由調遣使重譯奉國  
 珍寶和帝賜金印紫綬安帝永寧初復遣使朝賀獻樂及  
 幻人能變化吐火自支解易牛馬頭又善跳丸數乃至千  
 自言我海西人海西即大秦也禪國西南通大秦明年元  
 會安帝作樂於庭封由調為漢大都尉賜印綬金銀綵繒  
 各有差漢書曰和帝永元九年禪國在雍由調遣使重譯奉國

牂牁

牂牁郡在交州之南

後漢書曰初楚頃襄王時遣將莊豪從沅水伐夜郎軍至

且蘭椽船於岸而步戰既滅夜郎因留王滇池以目蘭有

椽船牂柯處乃改其名為牂柯異物志曰牂柯地多雨

潦俗好巫鬼禁忌寡畜生又無蠶桑故其郡最貧句町縣

有桄榔木可以為麵百姓資之

又曰公孫述牂柯大姓龍傅尹董氏與郡功曹謝暹保境

為漢乃遣使從番禺江奉貢番禺江今南海郡光武嘉之並加褒

賞和帝時郡人尹珍自以生於荒裔不知禮義乃從汝南

許慎應奉受經書學成還鄉里教授自是南域始有學焉

永昌郡傳曰牂柯郡在建寧東北千二百里處所險峻率

皆高山而少平地

唐書曰牂柯蠻首領亦姓謝氏其地北去兖州一百五十

里東至辰州二千四百里南至交州一千五百里西至昆



明九百里無城壁散爲部落而居土氣鬱熱多霖雨稻粟  
再熟無徭役唯征戰之時乃相屯聚刻木爲契其法劫盜  
者三倍還賊殺人者出牛馬三十頭乃得贖死以納死家  
風俗物產略與東謝同其首領謝龍羽大業末據其地勝  
兵數萬人  
又曰武德三年牂柯蠻首領謝龍羽遣使朝貢授龍羽牂  
州刺史封侯郎郡公貞觀四年復朝貢開元十年大酋長  
謝元齊死詔立其嫡孫嘉藝襲其官封二十五年大酋長  
趙君道來朝獻方物元和三年五月勅自今已後委黔南  
觀察使差本道軍將充押領牂柯昆明等使四年正月遣  
使來朝是月遣中使魏德和領其使并賚國信物降璽書  
賜其王焉自後朝貢不絕  
臨海異物志曰梳榔木生牂柯外皮有毛似栝櫟而散生

其木剛作鋤利如鐵中石史利唯中焦根乃致敗耳皮中  
有似檮稻米片又似麥麩作餅餌廣志曰梳榔樹大四五  
圍長五六丈洪直旁無枝條其顛生葉不過數十似櫻葉  
破其木肌堅難傷入數寸得麵赤黃密緻可食

周書王會曰卜人丹沙注云西南之蠻丹沙所出按卜人  
蓋今之濮人也

又曰湯令伊尹爲四方獻令伊尹曰臣請正南歐陽五來  
柱國指子陸童百濮九箇請今以珠璣瑇瑁象齒文犀翠  
羽菌鶴短狗爲獻  
永昌郡傳曰雲南郡在建寧南四十五里治雲南縣亦多  
夷濮分布山野千五百人男女大小躑路道側皆持數種  
器械以寇鈔爲郡邑之害



尾濮

永昌郡傳曰郡西南千五百里徼外有尾濮尾若龜形長三四寸欲坐輒先穿地空以安其尾若邂逅誤折尾便死男女長各隨宜野會無有嫁娶猶如識母不復別父俗云貸老相食則此濮也古人所說非日見也扶南土俗傳曰枸利東有蒲羅中人皆有尾長五六寸其俗食人按其地並西南蒲羅蓋尾濮之地名梁祚魏國統曰西南有夷名曰尾濮其地出瑇瑁犀象珠璣金銀葛越桂木人皆蠻夷重譯乃通也

木綿濮

郭義恭廣志曰木綿濮土有木綿樹多葉又房甚繁房中縣如蠶所作其大如捲音拳其木圓於文面濮

廣志曰文面濮其俗劓面而以青畫之

劓音

廣志曰折腰濮其俗生子皆折其腰

廣志曰赤口濮在永昌南其俗折其齒劓其脣使赤又露身無衣服

墨燹濮

廣志曰墨燹濮在永昌西南山居耐勤苦其衣服婦人以一幅布為裙或以貫頭丈夫以穀皮為衣其墳出白蹄牛犀象武魄金銅華布

朱提

永昌郡傳曰朱提郡在犍為南千八百里治朱提縣川中縱廣五六十里有大泉池水頃名千頃池又有龍池以灌

水經

卷七百九十一

七



既種稻與焚道接特多獫狴聚鳴嘯於行人徑次聒聒人耳夷分布山谷閒食肉衣皮雖有人形禽獸其心言語服飾不與華同有堂狼山山多毒草盛夏之月飛鳥過之不能得去  
又曰建寧郡朱提之東南六百里土氣和適盛夏之月熱不鬱蒸猛冬時寒不慘慄  
又曰永昌郡在雲南西七百里郡東北八十里瀘倉津此津有瘴氣往以三月渡之行者六十人皆悉悶亂毒氣中物則有聲中樹木枝則折中人則令奄然青爛也  
又曰興古郡在建寧南八百里郡領九縣縱經千里皆有瘴氣蒜穀雞豚魚酒不可食皆食啖病害人郡北三百里有盤江廣數百步深十餘丈此江有毒瘴九縣之人皆號曰鳩民言語嗜慾不與人同鳩民或以三尺布角割作兩

襜不復加鍼縷之功也廣頭着前狹頭覆後不蓋其形與裸身異

唐書曰昆弥國一曰出昆明西南夷也在爨之西洱河爲界即葉榆河其俗與突厥略同相傳云與匈奴本是兄弟國也漢武帝得其地入益州部其後復絕諸葛亮定南中亦所不至武德四年雋州治中吉弘使南寧因至其國諭之至十二月遣使朝貢貞觀十九年四月右武侯將軍梁建方討蠻降其部落七十二戶九千三百

### 西爨

唐書曰西爨者南寧之渠帥也自云本河東安邑人也七世祖在昔爲南寧太守屬中國亂遂王蠻夷梁元帝時南寧州刺史徐文盛徵詣荊州有爨瓚者遂據南寧之地延



表二千餘里俗多華民饒駿馬明珠犀象瓊死有二子震  
 翫分統其眾隋開皇初遣使朝貢文帝遣韋世冲將兵鎮  
 之析置恭州協州昆州未幾復叛後遣使萬歲擊之所至  
 皆破踰西洱河臨滇池而還翫懼而來朝文帝誅之諸子  
 沒為官奴不收其地因與中國絕高祖受禪拜翫子弘達  
 為昆州刺史令持其父屍歸葬本鄉益州段綸又遣俞大  
 施至南寧諭其部落悉來歸欵自是朝貢不絕不具國號  
 唐書曰東女國西羌之別種以西海中復有女國故稱東  
 女焉俗以女為王東與茂州党項接東南與雅州接隔羅  
 女蠻及白狼夷其境東西九日行南北二十日行有大小  
 八十餘城王所居名康延川中有弱水南流用牛皮為舩  
 以渡戶四萬眾勝兵萬餘人散在山谷女王號為賓就有

女官曰高霸平議國事在外官僚並男夫為之其王侍女  
 數百人五日一聽政令王若死國中多歛金錢動至數萬  
 更於王族求令女二人而立之次者為王其次為小玉若  
 大王死即小玉嗣立或姑死而婦繼無有篡奪其所居皆  
 起重層屋王至九層國人至六層其王服青毛綾裙下領  
 衫上披青袍其袖委地冬則羔裘飾以紋錦為小鬟髻飾  
 之以金耳垂璫足履索鞞俗重婦人而輕丈夫文字同於  
 天竺以十一月為正王如延康來國元二十八年十一  
 又曰東女國其俗每至十月令巫者齋肴詣山中散糟麥  
 於空大呪呼鳥俄而有鳥如雞飛入巫者之懷因剖腹而  
 視之每有一穀來歲必登若有霜雪必多災異其俗信之  
 名為鳥事其居喪服飾不改為父母則三年不櫛沐貴人  
 死者或剥其皮而藏之內骨於餅中揉以金屑而埋之國



王將葬其大臣親屬殉死者數十人隋大業中蜀王秀遣使招之拒而不受武德中女王王湯傍氏始遣使貢方物高祖厚資遣之薛舉父曰垂拱二年東女國王歛臂遣大臣湯劔石來朝仍請官號則天冊拜歛臂爲左玉鈐衛將軍仍以瑞錦製番服以賜之天授三年其王俄琰兒來朝開元二十九年十二月其王趙曳夫遣子獻方物命有司宴于曲江令宰臣已下同宴又封曳夫爲歸昌王賜其子帛放遷復以男子爲王貞元九年七月其王湯立悉與哥隣國王董臥庭白狗國王羅隨忽逋租國王弟鄧吉知南水國蘇唐磨咄霸國王董藐蓬各率其種落詣劔南西川內附其哥隣等國皆散居山川弱水王卽國初女國之弱水部落其悉董國在弱水西故亦謂之弱水西悉董王舊比皆分隸邊郡祖父例授

將軍中郎果毅等官自中原多故皆爲吐番所役屬其部大者不過三二千戶各置縣令十數人理之土有絲絮歲輸於吐蕃至是悉與之同盟相率獻款兼貢天寶中國家所賜官告共三十九通以進西川節度使韋臯處其衆於維霸保等州給以種糧耕牛咸樂生業立悉等數國王自來朝召見於麟德殿授官賞各有差

太平御覽卷第七百九十一終







禮曰西方曰戎被髮衣皮有不粒食者矣

傳曰辛有適伊川則被髮而祭於野曰不及百年此其戎

乎其禮先亡矣其亦不來王

又曰秦晉遷陸渾之戎於伊川

漢書曰西域以孝武時始通本三十六國其後稍分至五

十餘皆在匈奴之西烏孫之南南北有大山中央有河東

西六千餘里南北千餘里東則接漢限以玉門陽關西則

限以葱嶺

又曰漢武帝征和中貳師將軍李廣利以軍降匈奴帝既

悔於征伐而搜粟都尉桑弘羊與丞相御史奏言故輪臺

以東捷枝渠梨皆故國也輪臺渠梨地名今在交河北庭界廣饒水草有

溉田五千頃以上處溫和田美可益通溝渠種五穀與中

國同時熟田一歲有積穀募人壯健有累重敢徙者詣田

所累重謂妻就畜積為本業墾溉田稍築列亭連城西以

帝深陳既往之悔乃下詔曰前有司奏欲益人賦三十助

邊用每口取錢三十是重困老弱孤獨也由是不復出軍而封丞

相車千秋為富民侯以明休息思富養人也

後漢書曰西羌之本出自三苗蓋羌姓之別其國近南嶽

及舜流四凶徙之三危河關之西南羌地是也濱於賜支

至於河首綿地千里賜支者禹貢所謂析支者也南接蜀

漢所居無常依隨水草少五穀以產牧為業其俗人民

氏族無定或以父名母姓為種號三二世後相與婚姻父

沒則妻後母兄亡則納發嫂寡嫂曰發故國無鰥寡種類繁熾

不立君臣無相長一強則分種為角酋豪弱則為附落更

相抄暴以力為雄殺人償死無他禁令其兵長在山谷短

於平地不能持久而果於觸突以戰死為吉利病終為不



祥甚耐寒苦同之禽獸雖婦人產子亦不避風雪性堅固  
 勇猛得西方金行之氣焉王政修則賓服德教失則寇亂  
 又曰昔夏后氏太康失國四夷背叛及后相即位乃征畝  
 夷七年然後來賓周禮祭義曰遠  
 又曰武乙暴虐犬戎寇邊周古公踰梁山而遊于岐下及  
 于季歷遂伐西落鬼戎武乙  
 又曰文王為西伯西有昆夷之患北有獫狁之難遂攘戎  
 狄西戎之國莫不賓服周禮  
 又曰穆王時戎狄不貢王乃西征犬戎獲其五王又得四  
 白鹿四白狼王遂遷戎于太原周禮  
 又曰平王之末自隴山以東及乎伊洛往往有戎於是渭  
 有狄獠獠音邽冀之戎涇北有義渠之戎洛川有大荔之  
 戎渭南有驪戎伊洛間有楊拒泉臯之戎潁川以西有蠻

氏之戎周禮  
 又曰晉文公欲修霸業乃賂戎狄通道以扶王室秦穆公

得戎人由余遂霸西戎開地千里

又曰陸渾之戎叛晉晉令荀吳滅之楚執蠻氏而盡囚其

民周禮  
 又曰周貞王八年秦厲公滅大荔取其地趙亦滅代戎代

戎即北戎也韓魏復共稍并伊洛陰戎滅之其遺脫者皆  
 逃奔西踰汧隴自是中國無戎寇周禮

後漢書曰武帝時西域內屬有三十六國漢為置使者校  
 尉領護之宣帝改曰都護元帝又置戍己校尉屯田於車

師漢官儀曰戍己中哀平間自相分割為五十五國  
 又曰建武中西羌皆遣使求內屬願請都護世祖以天下  
 初定未遑外事訖不許之



又曰明帝命將北征匈奴收伊吾盧地置宜禾都尉以屯田遂通西域于闐諸國皆遣子入侍  
又曰建初元年春酒泉太守段彭大破車師於交河城章帝不欲疲弊中國以事夷狄乃迎還戊己校尉不復遣都護二年復罷屯田  
又曰和帝永元三年班超遂定西域因以超爲都護治龜茲復置戊己校尉領兵五千入治車師  
又曰六年班超復擊破焉耆於是五十餘國悉納質內屬其條支安息諸國至于海濱四萬里外皆重譯貢獻  
又曰九年班超掾甘英窮臨西海而還皆前世所不至山經所未詳莫不備其風土傳其珍怪於是遠國蒙奇覘勒皆來歸服  
班固西戎論曰孝武之代圖制匈奴患其兼從西國結黨

南羌從音于乃表河西列四郡開玉門通西域以斷匈奴

右臂隔絕南羌月氏單于失援由是遠遁而幕南無王庭

因文景玄默養人天下豐富財力有餘士馬彊盛故能睹

犀布瑇瑁則建朱崖七郡感菑音醬竹杖則開牂柯越嶺

聞天馬蒲陶則通大宛安息自是之後萬里相奉師旅之

費不可勝計至於用度不足乃權酒酤筦鹽鐵鑄白金皮

弊筭至車船租及六畜人力屈財用竭加以凶年羣盜

並起是以末年遂弃輪臺之地而下哀痛之詔豈非仁聖

之所悔哉且西域近有龍堆遠則葱嶺身熱頭痛懸度之

阨淮南杜欽楊雄之論皆以爲此天地所以界別區域絕

外內地書云西戎卽序禹就而序之非止威服致其貢物

也魏徵西戎論曰自古開遠夷通絕域必因宏放之主皆

起好事之臣張騫鑿空於前班超投筆於後或結之重寶



或攝之利劍投軀萬死之地以立一朝之功皆由主向來  
遠之名臣徇輕生之節是知上之所好下必有甚焉者也  
煬帝規摹宏侈掩吞漢外裴矩方進西域圖記以蕩其心  
故萬乘親出玉門關置伊吾且末郡而關右暨於流沙騷  
然無聊生矣古哲王之制方五千里務安諸夏不事要荒  
豈威不能加德不能被蓋不以四夷勞中國不以無用害  
有用也是以秦成五嶺漢事三邊或道殣相繼或戶口減  
半隋室恃其強盛亦狼狽於青海此皆一人失其道故億  
兆罹其毒也

媼羌 媼音而 遮切

說文曰羌西媼羌戎牧羊人從人牧羊

漢書曰出陽關自近者始曰媼羌國王號去胡來王師古  
去離胡戎關于八百里去長安六千三百里西接且末隨

畜逐水草不田作仰鄯善且末穀山有鐵自作兵有弓矛  
服刀劍劉德曰服刀拍髀也師古

鄯善

漢書曰鄯善國本名樓蘭王治杆泥城杆音烏輔國侯却胡  
侯鄯善都尉擊車師都尉左右且渠擊車師君各一人譯  
長二人

又曰鄯善地沙鹵少田寄田仰穀旁國國出玉多葭葦檉  
柳胡桐白草孟康曰白草草之白者也胡桐似桑而多  
帥古曰胡桐淚可以汗金銀今工匠皆用之  
民隨畜牧逐水草有驢馬多橐佗師古曰佗

又曰武帝遣從票侯趙破奴將屬國騎及郡兵數萬擊車  
師虜樓蘭王破如師於是漢列亭鄯至玉門矣  
又曰樓蘭國最在東垂近漢當白龍堆乏水草常主發導  
負水擔糧送迎漢使



又曰元鳳四年大將軍霍光白遣平樂監傳介子往刺其  
 王介子輕將勇敢士齎金幣揚言以賜外國為名既至樓  
 蘭詐其王欲賜之王喜與介子飲醉將其王屏語壯士二  
 人從後刺殺之貴人左右皆散走介子告諭以王負漢罪  
 天子遣我誅王當更立王弟尉屠耆在漢者漢兵方至母  
 敢動自令滅國矣介子遂斬王嘗歸首嘗歸者其王名也馳傳詣  
 闕懸首北闕下封介子為義陽侯乃立尉屠耆為王更名  
 其國為鄯善為刻印章賜以宮女為夫人備車騎輜重丞  
 相將軍百官送至橫門外橫音光祖而遣之

于闐

漢書曰于闐國王治西域去長安九千六百七十里于闐

後魏孝文太和四年遣其弟素延者入侍

北史曰鄯善城方一里地多沙鹵少水草北即白龍堆路

之西水皆西流注海其東注澤河源出焉多玉石玉石玉之璞也

後漢書曰于闐去洛陽方一千七百里建武末莎車王賢

強盛攻并于闐徙其王俞林為驪歸王明帝永平中于闐

將休莫霸反莎車自立為于闐王休莫霸死兄子廣德立

後遂滅莎車其國轉盛

北史曰于闐國在葱嶺之北二百餘里所都城方八九里

城東三十里有首拔河中出玉石土宜五穀并桑麻山多

美玉有好馬馳騾其刑法殺人者死也

又曰于闐俗重佛法寺塔僧尼甚眾玉尤信尚每設齋日

必親自灑掃饋食焉城南五十里有贊摩寺即昔羅漢比

丘盧旃為其王造覆瓮浮圖之所石上有辟支佛跡處雙

跡猶存西有比摩寺云是老子化胡成佛之所

又曰于闐城東二十里有夫水北流號樹枝水即黃河也



又曰後魏獻文末蠕蠕寇于闐于闐患之遣使素目伽上表求救帝詔以遐阻不行  
又曰後周武帝建德三年其王遣使獻名馬隋大業中曠遣朝貢其王姓王字早示門練錦帽金鼠冠妻戴金花其王髮不令人見俗言若見王髮其年必儉  
梁書曰武帝天監十三年王遣使獻婆羅婆步鄣十八年又獻瑠璃鬘  
唐書曰其國出美玉王姓尉遲名屋密貞觀六年遣使獻玉帶太宗優詔答之

大秦

後漢書曰大秦國一名黎鞬在海西地方數千里以石爲城郭列置郵亭堊墜之  
又曰民俗力田蠶桑皆髡頭而衣文繡乘輜駟白蓋小車

出入擊鼓建旌旗幡幟

又曰王宮室皆以水精爲柱食器亦然

又曰其人民皆長大平正有類中國故謂之大秦國多金銀奇寶有夜光璧明月珠駭雞犀珊瑚虎魄琉璃瑯玕織成金縷蜀雜色綾作黃金塗火浣布

又曰合會諸香煎其汁以爲蘇合以金銀爲錢銀錢十當金錢一

又曰相帝延熹九年大秦王安敦遣使自日南徼外獻象牙犀角瑇瑁始一通焉

又曰其國無盜賊而道多猛獸師子遮善行旅不百餘人齎兵器輒爲所食又有飛橋數百里可渡海

魏略曰其國中出九色次玉石一曰青二曰赤三曰黃四曰白五曰黑六曰綠七曰紫八曰紅九曰紺多神龜朱



曠馬玄熊赤白黑黃青綠紺縹紅紫十種瑠璃  
通典曰國之西南漲海中可七八百里行到珊瑚淵水底  
有盤石珊瑚生其上大秦人常乘大船載鐵網令水工先  
沒入視之可下網乃下初生白而漸漸似菌生茅中歷歲  
許出網日開變作黃色枝條交錯高極三四尺大者圍尺  
餘三年色乃赤好後沒視之知可採便以鐵鈔發其根乃  
以索繫網使人於船上絞車舉去還國園理載恣意所作  
若失時不舉便盡敗

龜茲 龜音丘 音茨

北史曰龜茲國在尉犁西北白山之南一百七十里王姓  
白即後京呂光所立白震之後其王頭繫綵帶垂之於後  
坐金睡子床  
又日出細氈饒銅鐵鈔麋皮毼毼沙鹽綠雌黃胡粉安息

香等

又曰其國北天山中存如膏者流山成川行數里入地狀  
如醍醐服之髮齒已落者能令更生癩人服之皆愈

唐書曰龜茲有城郭男女皆剪髮垂與項齊唯王不剪髮  
以錦蒙頂着錦袍金寶帶坐金師子床有良馬封牛饒蒲  
萄酒

又曰貞觀四年遣使來獻馬太宗賜以璽書撫慰甚厚自  
此朝貢不絕

又曰貞觀二十年太宗遣左驍衛大將軍阿史那杜尔安  
西都護郭孝恪率五將軍發鐵勒十三部兵以伐龜茲禽

王及大將羯獵頭等并破其大城五所虜男女數萬口勒  
石紀功而旋俘其王訶黎布失畢及那利羯獵頭等獻於  
社廟尋以訶黎布失畢為左武衛衛中郎將那利以下授



官各存差  
又曰先是太宗既破龜茲移置安西都護府於其國城以  
郭孝恪為都護兼統于闐疏勒碎葉謂之四鎮高宗嗣位  
不欲廣地勞人復命有司奔龜茲等四鎮移安西依舊西  
州  
又曰長壽元年武威軍總管王孝傑阿史那忠節大破吐  
蕃克復龜茲于闐等四鎮自此復於龜茲置安西都護府  
用漢兵三萬人以鎮之則天時有田楊名中宗時有郭元  
振開元初則張孝嵩杜暹等為安西都護皆有政績為夷  
人所伏

天竺

後漢書曰天竺國一名身毒在月氏東南數千里卑濕暑  
熱其國臨大水乘象而戰脩浮圖道不殺伐遂以成俗出

象犀瑇瑁金銀諸香石蜜黑鹽等  
又曰明帝夢見金人長丈項有光明以問羣臣或曰西方  
有神名曰佛其形長丈六尺而黃金色帝於是遣使天竺  
問佛道法遂行於中國圖畫形象焉  
南史曰梁天監初王來貢獻玉有螺髻於頂餘剪之穿耳  
垂璫俗多徒跣衣重白色有文字或善天文算曆之術其  
人皆學悉曇章書於具多葉樹之人  
北史曰天竺國去代三萬一千五百里有狄鞞城周匝十  
里城中山摩尼珠珊瑚城東三百里有拔賴城城中出黃  
金白真檀赤檀石蜜  
唐書曰中天竺其都城周回七十餘里北臨禪連河云昔  
有婆羅門領徒千人肄業於樹下樹神降之遂為夫婦宮  
室自然而立僮僕甚盛於是使役百神築城以統之經年



而統此後有阿育王頗行苛政置炮烙之刑謂之地獄今  
城址見有迹焉下人執業外憐不勝將以之為大城  
又曰武德中其國大亂其嗣王尸羅逸多練兵聚眾所向  
無敵象不解鞍人不釋甲居六載而四天竺之君皆北面  
以臣之威勢遠振政刑甚肅貞觀中尸羅逸多自稱  
摩伽陀王遣使朝貢太宗降璽書慰問尸羅逸多大驚問  
諸國人料自古曾有摩訶震且使人至吾國乎皆曰未之  
有也乃膜拜而受詔書因遣使朝貢太宗以其地遠禮之  
甚厚復遣衛尉丞李義表報使尸羅逸多遣大臣郊迎碩  
都邑以縱觀焚香夾道逸多率其臣下東面拜受勅書復  
遣使獻火珠及鬱金香菩提樹黃金帝氣甚盛於天竺  
又曰貞觀十年沙門玄奘至其國將梵本經論六百餘部  
而歸先是遣右率府長史王玄策往使天竺其四天竺王

咸遣使朝貢會中天竺王尸羅逸多死國中大亂其弟阿  
羅那順篡立乃盡發胡兵以拒玄策玄策戰不敵乃拔身  
宵遁走至吐蕃發精銳一千二百人并涅槃婆羅國七千餘  
騎以從玄策與副使蔣師仁率二國兵進至中天竺國城  
連戰三日大破之斬首三千餘級赴水溺死者且萬人阿  
羅那順奔城而遁師仁進兵擒獲之虜男女萬二千人牛  
馬三萬餘頭死於是天竺震懼俘阿羅那順以歸二十二  
年至京師太宗大悅命有司告宗廟因謂群臣曰夫人耳  
目玩於聲色日鼻耽於臭味此乃敗德之源若婆羅門不  
劫掠我使人豈為俘虜邪昔中山以貪寶取弊蜀侯以金  
牛致滅莫不由之拜玄策朝散大夫是時就其國得方士  
那羅邈婆寐自言壽三百歲云有長生之術太宗深加禮  
待館之於金甍門內造延年之藥令兵部尚書崔敦禮監



主之發使天下探諸奇藥藥成音服不效後放還本國  
 又曰開元八年南天竺國遣使獻五色能言鸚鵡  
 異物志曰天竺大國也方三萬里佛道所在其國王治城  
 郭宮殿皆彫文刻鏤鍾鼓帝樂跳丸躍劍  
 通典曰後魏宣武時南天竺國遣使獻駿馬云其國出師  
 子獬獬胡有火齊如雲母而色紫列之則薄如蟬翼積之  
 則如紗縠之重杳有金剛似紫石英百鍊不銷可以攻玉

太平御覽卷第七百九十二

西戎二安息  
 西戎二安息  
 西戎二安息

太平御覽卷第七百九十二  
 西戎二安息  
 西戎二安息

西戎二安息  
 西戎二安息  
 西戎二安息

西戎二安息  
 西戎二安息  
 西戎二安息

西戎二安息  
 西戎二安息  
 西戎二安息



温和有日藉雜草花木檀榲梓竹漆種五穀蒲陶有金銀  
銅錫以金銀為錢文為騎馬幕為人面師古曰幕出封牛即漫也  
水牛象大狗沐猴孔爵珠璣珊瑚琥珀璧琉璃白武帝始  
通

唐書曰貞觀十六年蜀賓國遣使獻褥特鼠啄尖而尾赤  
能食蛇有被蛇螫者鼠輒嗅而尿之其瘡即愈

檢書條支

大夏

米列

檀主

漢書曰條支國臨西海暑濕田宜稻有大鳥卵如鸕  
後漢書曰條支國城在山上周迴四十餘里臨西海水曲  
環其南及東北三面路絕唯西北隅通陸出師子犀牛

安息

漢書曰安息國王治番兜城去長安萬一千六百里風氣  
物類與蜀賓同亦以銀為錢文獨為王而幕為大人面王

死輒更鑄錢有大馬大爵其屬小大數百城方數千里最

大國邑臨媯水商賈車舩行旁國畫革旁行為書記師古

西方胡國書皆橫行不直下也武帝始遣使至安息王令將將二萬騎迎

於東界東界至王都數千里行北過數十城民人相屬因

發使隨漢使者來觀漢地以大鳥及外來獻天子大悅

後漢書曰章帝章和元年安息王遣使獻師子符拔符拔

形似麟無角也

北史曰周武天和二年其王遣使朝獻

美利西大月氏

漢書曰大月氏國治監氏城去長安萬一千六百里物類

民俗與安息同出一封囊馳師古曰脊上控弦十餘萬故

強輕匈奴師古曰特其強盛至冒頓單于攻破月氏以其

王頭為飲器月氏乃遠去過大宛西擊大夏而臣之



北史曰大月氏北與蠕蠕接數為所侵遂西徙都薄羅城其王寄多羅勇武遂興師越太山南侵北天竺自乾陀羅以北五國盡屬之後魏太武時其國人商販京師自云能鑄石為五色瑠璃於是採礦山中於京師鑄之既成光澤美於西方來者乃詔為殿容百人光色映徹自此中國瑠璃遂賤

異物志曰月氏俗乘四輪車或四牛或八牛可容二十人王稱天子

大宛

漢書曰大宛國王治貴山城去長安萬二千五百五十里以蒲萄為酒富人藏酒至萬餘石久者至數十歲不敗俗嗜酒馬嗜苜蓿宛別邑七十餘城多善馬馬汗血言其先天馬子也孟康曰言大宛國有高山其上有馬不可得因取五色母馬置其下與集生駒皆汗血因號曰

天馬張騫始為武帝言之上遣使持金馬以請宛王不肯

於是天子遣貳師將軍李廣利將兵伐宛連四年宛人斬其王毋寡首獻馬三千匹漢軍乃還

又曰宛王蟬封與漢約歲獻天馬二疋漢使采蒲陶苜蓿種歸天子以天馬多益種蒲陶苜蓿離宮館旁極望焉

異物志云大宛馬有肉角數寸或有解人語及知音舞與鼓節相應

西域圖記曰其烏馬驢馬多白耳白馬驄馬多赤耳黃馬赤馬多黑耳

疎勒

漢書曰疎勒國王治疎勒城去長安九千五百五十里後漢書曰耿恭為戍已校尉引眾人疎勒城城中乏水穿井十五丈不得水恭整衣服向井拜飛泉湧出賊遂退之



後魏書曰踈勒國高宗末其王遣使送釋迦佛袈裟長二丈餘廣丈餘高宗以審是佛衣應有靈異遂燒之以驗虛實置於猛火之上經日不燃觀者莫不悚駭後每使朝貢隋書曰踈勒國都白山南百餘里其王字阿彌厥手足皆六指產子非六指者不育王戴金師子多稻粟麻麥銅鐵銀唯黃其氣唐書曰踈勒國王姓裴俗事祆呼近神有胡書文字貞觀九年遣使獻名馬

康國

隋書曰康國者康居之後也遷徙無常不恒故地然自漢以來相承不絕其本姓温月氏人也舊居祁連山北昭武城因被匈奴所破西踰葱嶺遂有其國支庶各分王故康

國左右諸國並以昭武為姓示不忘本也王字代失畢為人寬厚甚得眾心其妻突厥達可汗女也都於薩寶水上阿碌連城城多眾居大臣三人共掌國事其王素髮冠七寶金花衣綾羅錦繡白疊其妻有髻幪以帛巾丈夫剪髮錦袍名為強國而西域諸國多歸之又曰有胡律置於祆祠決罰則取而斷之重罪者族次重者死賊盜截足人皆深目高鼻多鬚鬣善於商賈諸夷交易多湊其國有大小鼓琵琶五絃篪篥笛婚姻喪制與突厥同國立祖廟以六月祭之諸國皆來助祭俗奉佛為胡書氣候温宜五穀勤修園蔬樹木滋茂出馬駝驢騾封牛黃金礪砂甘香阿薩邠香瑟瑟麋皮氍毹錦疊多蒲桃酒富家或致千石連年不敗大業中始遣使貢方物後遂絕焉



唐書曰康居人多嗜酒好歌舞於道路生子必以石蜜內口中以膠置掌內欲其成長口嘗甘言掌持錢如膠之粘物  
又曰以十二月為歲首有婆羅門為之占星候氣以定吉凶頗有佛法至十一月鼓舞乞寒以水相潑盛為戲樂  
又曰貞觀九年遣使貢師子太宗嘉其速至命祕書監虞世南為之賦自此朝貢至十一年又獻金桃銀桃詔令植之於苑圃  
又曰萬歲通天年中則天封其大首領篤婆鈴提為康國王仍拜左驍衛將軍  
又曰開元六年遣使貢獻鑱子甲水精盃馬腦餅馳鳥卵之類

副貨

北史曰副貨國去代一萬七千里東至阿富汗使且國西至沒誰國中開相去一千里南有連山不知名北至奇沙國相去一千五百里國中有副貨城周匝七十里宜五穀蒲桃唯有馬馳騾國王有黃金殿殿下有金馳七頭各高三尺其王遣使朝貢

安國

隋書曰安國漢時安息國也王姓昭武氏與康國王同族守設力登妻康國王女也都在那密水南城有五里環以流水宮殿皆為平頭王坐金馳座高七八尺每聽政與妻相對大臣三人評理國事風俗同於康國唯妻子姊妹及母子遞相禽獸此為異也煬帝即位之後遣司隸從事杜行滿使於西域至其國得五色鹽而返國之西百餘里有畢國可千餘家其國無君長安國統之大業五年遣使貢







山有毒藥氣之所為冬乃枯歇故可行也  
宋書地理志鉢和更遠小國山皆梁野之東  
北史曰鉢和國在渴槃陁西其土尤寒人畜  
同居穴地而處又有大雪山望若銀峰其  
人唯食餅麩飲麥酒服鹽菜有三道一  
道西行向嚙噠其道西南趨烏長亦為嚙  
噠所屬四道中并并皆發源國風俗皆  
屬西國里大夏亦在西北發源國風俗  
史記曰大夏在大宛西南二千餘里媯水  
南其俗土著有城屋與大宛同俗無大君  
長往往城邑寡小其兵弱畏戰善賈及大  
月氏西徙皆臣畜大夏大夏民多可百餘  
萬其都曰藍市城有市販賣諸物東南有  
身毒國張騫曰臣在大夏時見筇竹杖蜀  
布問曰安得此大夏國人曰吾賈人往  
市之身毒身毒國在大夏東南可數千里

隋書曰米國都那蜜水西舊康居之地也無王其城王姓昭武康國王之支庶字閉拙都城方二百里勝兵數百人西北去康居百里大業中頻貢方物

通典曰鄧至羌之別種也後魏時興焉有像舒者代為白水酋帥因地名為號稱鄧至王其地自千亭以東平武以西汶嶺以北宕昌以南風土習俗與宕昌同自舒理至十代孫舒彭附後魏孝文帝封甘松縣子鄧為王至西魏恭帝初其主檐術因亂來奔周文帝遣兵送還自後無聞

北史曰安息國在葱嶺之西都蔚搜城西與波斯相接東去長安一萬七百里周武天利二年其王遣使來獻



夫其地一曰乙弗獻千里其地天休二其地土並於來  
 通典曰乙弗獻後魏時聞焉在吐谷渾國有扁海周迴千  
 餘里衆有萬落風俗與吐谷渾同然不識五穀唯食魚與  
 蘇子狀若中國苟杞子或赤或黑西有契翰一部風俗亦  
 同土特多狼其地多野獸西好遊獵其地多野獸伏盧尼其地多野獸  
 北史曰伏盧尼都伏盧尼城在波斯國北去代軍萬七千  
 三百二十里累石爲城東有大河南流中有鳥其形似人  
 亦有如橐駝鳥者皆有異常居水中出水便死城北有云  
 尼山出銀珊瑚琥珀多師子其地多野獸  
 隋書曰石國居藥殺水都城方十餘里其王姓石名涅國  
 城之東南立屋置座於中正月六日七月十五日以王交

母燒餘之骨金甕盛之置于牀上巡遶而行散以花香雜  
 菓王率臣下設祭焉禮終王與夫人出就別帳臣下以次  
 列坐享宴而罷有粟麥多良焉其俗善戰習貳於突厥射  
 價可汗興兵滅之令特勒甸職攝其國事大業五年遣使  
 朝貢其後不復至其地多野獸  
 通典曰宕昌羌後魏時興焉亦三苗之嗣與先零燒當罕  
 開詠部姓別自立帥皆胡地分不相統攝宕昌即其一也  
 俗皆土著居有棟宇其屋織氍毹及殺羊毛覆之無法令  
 緡賦唯征伐之時乃相屯聚不然則各事產業不相來往  
 皆衣裘褐牧養羴羊豕豕以供其食俗有蒸糲無改宗獯  
 取木榮落以記歲時三年一相聚殺羊豕以祭天俗重虎  
 皮以之送死有梁勤者代爲酋帥得羌豪心乃自稱王其



界自仇池以西千里席水以南峭峽義臺地多山嶽部眾  
二萬餘落臣其孫弥忽如遣使於後魏後武帝拜為宕昌  
王七葉孫弥秦皆授南北兩朝封爵後見兩魏分屬永熙  
末種人企定乃引吐谷渾寇金城後企定寇秦州成後周  
武帝天和中詔大將軍用傾討平之以其地為宕州其令  
長清將執銀汗銀音普其公不世孫其昌明其一也  
隋書曰銀汗國都葱嶺之西五百餘里臨渠搜國地姓  
昭武守阿漆都城方四里勝兵數千人王坐金羊床妻戴  
金花俗多朱沙金鐵東去踈勒千里大業中遣使朝貢方  
圓五百里其色知龜神其國事大業正平置於  
此史曰色知顯國都色知顯城在悉萬斤西北去代一萬  
二千九百四十里土產多五葉夫其出絲麻雜穀不賦  
賦然猶以骨伽色泥之寶正根土滋養國亦增以蘇香雜

北史曰柳色尼國都柳色尼城在悉萬斤南去代一萬三  
千五百里土出鹽多五葉王臨佛國臨南嶺其寶雜穀五  
葉其葉非人白蘭昔未分其葉與河宿寺  
通典曰白蘭羌之別種後周時與焉東北接吐谷渾風俗  
物產與宕昌同周武帝保定元年朝獻使至大和初大  
和三年隋人乾陀土樂因山嶽而起其地有石人  
北史曰乾陀國在烏蕞西本名業波為嚙噠所破因改焉  
好征戰與蜀賓關三非不能人怨其之有鬪象七百頭十  
人乘一象進執兵仗象鼻縛刃以戰所都城東南七里有  
佛塔高逾千丈周三百步即所謂雀離佛圖也

史國

隋書曰史國都獨其水南十里舊康居之地也其王姓昭  
武宗遜遜亦康國王之支庶也都城方二里勝兵千餘俗



同康國北去康國三百四十里南去吐火羅五百里大業  
中遣使朝貢其地種適無冬夏之異五穀隨人所  
種不須時節其國舊無人止有鬼神有龍居之諸國商估  
來共市場鬼不見其形但出珍寶明其所堪價商人依價  
取之諸國人聞其土樂因此競至或有停住者遂成大國  
能馴養師子遂以爲名風俗與婆羅門同而尤事佛法安  
帝義熙初遣使獻玉佛像像高四尺二寸玉色潔潤形制  
殊特殆非人功歷晉宋代在建康瓦官寺  
又曰宋文帝元嘉五年其王剗利摩訶南遣使貢獻梁武  
帝大通元年後王迦羅訶黎耶亦使使貢獻

### 穆國

北史曰穆國都烏澠河之西亦安息之故地與烏郝曷爲  
隣其王姓昭武亦康國王之種類也字阿濫密都城方三  
里勝兵二千人東北去安國五百里西去波斯國四千餘  
里大業中遣使貢方物

### 奄蔡

通典曰奄蔡漢時通焉西接大秦東南二千里與康居接  
去陽關八千餘里控弦十餘萬與康居同俗而役屬康居  
土氣溫和臨大澤無涯岸多植松白草及貂畜牧逐水草  
蓋近北海至漢改名阿蘭郝國後魏時白粟特國一名温  
郝沙

### 何國

北史曰何國都郝密水南數里舊是康居地也其王姓昭



武亦康國王之族類都城方二里勝兵者千人其王坐金羊座東去曹國百五十里西去小安國三百里東去瓜州六千七百五十里大業中遣使貢方物

北史曰嚙噠國

大月氏之種類也亦高車之別種其原期於塞北自金山而南在于闐之西都烏許水南二百餘里去長安一萬一百里其王都拔底延城蓋王舍城也其城方十里餘多寺塔皆飾以金寶風俗與突厥略同兄弟共一妻無兄弟者妻戴一角帽若有兄弟者依其多少之數更加帽焉衣服類胡加以纓絡頭皆剪髮其語與蠕蠕高車及諸胡不同衆可有十萬無城邑依隨水草以氍爲屋夏遷涼土冬逐暖處其王分其諸處妻各在別所相去或一二里巡歷而行每月一處冬寒之時三月不徙王位不

必傳子子弟堪者死便受之其國無車輿多馳馬用刑嚴急偷盜無多少皆腰斬盜一賁十死者富家累石爲藏貧者掘地而埋隨身諸物皆置冢內人凶悍能鬪戰西域唐居于闐安息及諸小國三十許皆役屬之居號爲大國又曰後魏明帝熙平中遣宋雲沙門法力等使西域訪求佛經時有沙門慧生者亦與俱行正光中還慧生所經諸國不能知其本末及山川里數蓋舉其略云

太平御覽卷第七百九十三



太平縣志卷之九十三

賦

國小治役其本末氣山川所履境果其都定

備樂此什也附縣小者亦與身自出武中

又自其賦也命與平小豈米鑿新門

國于國也思以高小國三士高昔好風

律風其也賦也其也其也其也其也其也

其也其也其也其也其也其也其也其也

其也其也其也其也其也其也其也其也





